

四庫全書

子部

欽定四庫全書

子部

池北偶談卷一至三

詳校官庶吉士_臣李如筠

員外郎_臣牛齡文覆勘

總校官編修_臣王燕緒

校對官中書_臣李斯咏

謄錄監生_臣王霖

欽定四庫全書

子部十

池北偶談

雜家類三

雜說之屬

提要

臣等謹案池北偶談二十六卷

國朝王士禎撰凡談故四卷皆述朝廷殊典及
衣冠勝事其中如戊巳校尉裙帶官之類亦
間及古制談獻六卷皆紀明中葉以後及

國朝名臣碩德畸人列女其中如論王潛張商

英張綬之類間有惟斥其惡者蓋附錄也談
藝九卷皆論詩文領異標新實所獨擅全書
精粹盡在於斯談異七卷皆記神怪則文人
好奇之習謂之戲墨可矣池北者士禎宅西
有圃圃中有池建屋藏書取白居易語以池
北書庫名之自為之記庫旁有石帆亭嘗與
賓客聚談其中故以名書前有自序康熙辛
未作也乾隆四十六年十月恭校上

總纂官臣紀昀臣陸錫熊臣孫士毅

總校官臣陸費墀

金匱要略全書

提要

池北偶談序

予所居先人之敝廬西為小圃有池焉老屋數椽在其北予宦游三十餘年無長物唯書數千卷度置其中輒取樂天池北書庫之名名之池上有亭形類畫舫曰石帆者予暇日與客坐其中竹樹颯然池水清澈可見毛髮游鯈浮沈往來於寒鑑之中顧而樂之則相與論文章流別晰經史疑義至於

國家之典故歷代之沿革名臣大儒之嘉言懿行時亦

及焉或酒闌月隨閒舉神僊鬼怪之事以資嗚喙旁及游藝之末亦所不遺兒輩從旁記錄日月既多遂成卷軸因憶二十年来官京師所聞見於公卿大夫之間者非甚不暇未嘗不筆之簡冊散在篋中未遑編刻一日乃出鼠蟲之餘盡付兒輩總次第為一書區其條目曰談故曰談獻曰談藝曰談異其無所附麗者稍稍以類相從凡廿六卷藏之家塾示吾子孫大之可以畜德小亦可以多識賢乎博奕昔聞諸聖人之言矣康熙辛未

秋漁洋山人王士禎序

欽定四庫全書

序

欽定四庫全書

池北偶談卷一

刑部尚書王士禎撰

特賜進士及第

戊戌春

世祖親覆試江南丁酉貢士以古文詩賦拔武進吳珂
鳴第一是年禮闈榜後

上諭特賜珂鳴進士與中式舉人張貞生等一體殿試

金匱要略卷之四
尋改庶吉士同時崑山葉方藹試瀛臺賦甚工

上深喜之踰年己亥秋復行會試葉中式賜一甲第三
人及第

部曹入詞林

郎中與司業較俸陞內院侍讀自張允欽始內院詞臣
與臺省一體年例外轉監司自宋之繩始尋皆罷不行
吏部自十八年停內陞與五部一例選郎金拱敬以加
銜僅得太僕寺丞康熙九年始復故云

二程後

康熙八年

車駕幸太學後允御史傅世舟請求二程子後於河南撫臣以明道二十一代孫宗昌伊川二十二代孫延祀名上俱為五經博士如朱坤例坤歛文公裔也十二年衍聖公孔毓圻疏請以子張子裔孫顥孫好賢為博士某年湖南巡撫請以濂溪裔孫周冕為博士部議皆格不行

上考

癸卯甲辰之間更定內外官考滿之例營競紛然未數
年輒罷因話錄載裴充為太常寺太祝語卿長曰本設
考課為獎勤勞若一以官高下為優劣則卿合上上考
少卿合上中考丞合上下考主簿合中考協律合下考
某等合喫杖語雖諧謔實切情事古今一轍可嘆也

配享

宋初定帝王廟配享功臣多不愜人意者如魏武以荀

攸程昱配文帝以賈詡王朗配唐玄宗配享不及曲江
廣平肅宗配享不及汾陽鄴侯皆不可解

經筵日講

康熙庚戌七月

上召翰林學士熊賜履至瀛臺進講道千乘之國一章
繼講務民之義一章

上大喜隨命取經筵日講儀注以進是歲十月有
旨諭禮部帝王圖治必稽古典學以資啓沃之益經筵

金史卷一百一十五
日講允屬大典宜即舉行爾部詳察典例擇吉具儀來
奏

復內閣

康熙九年十月內院復為內閣復翰林院官屬一遵順
治十五年之舊以圖海巴泰為中和殿大學士兼吏部
尚書索額圖李蔚為保和殿大學士兼戶部尚書魏裔
介杜立德為保和殿大學士兼禮部尚書對哈納為文
華殿大學士管刑部尚書事折爾肯哈占為中和殿學

士塞赫達都為保和殿學士馬朗古張鳳儀為文華殿學士靳輔為武英殿學士田種玉為文淵閣學士陳鼐永為東閣學士折庫納熊賜履為翰林院掌院學士俱兼禮部侍郎傳而都嘉利亞國

康熙己酉大西洋傳而都嘉利亞國貢使瑪訥撒爾達聶入貢有

昔該國從來未通中國凡賜賚皆加一等其人物貢物與荷蘭略同

起居注

康熙十年二月講筵初開工部尚書王熙翰林學士兼禮部侍郎熊賜履進講大學康誥曰克明德章及尚書人心惟危道心惟微二句三月禮科給事中吳國龍疏請復設起居注得

旨報可

藥樹監搜

文昌雜錄載元相詩松門待制應全遠藥樹監搜可得

知云唐時殿門外有藥樹監察御史監搜之位
在馬唐制百官入宮殿門必搜御史掌之
太和中乃下詔宰臣奏事停其監搜
云康熙初御史李秀奏請百官佩刀雖
上殿奏事亦爾後李御史棠疏罷之

俄羅斯

俄羅斯國以順治十七年遣使入貢
不知正朔自稱一千一百六十三年

讀王弼州所記有明盛事及徐應秋談薈所載
因憶本

朝盛事數則記錄於左

兄弟九列

真定梁公清寬清遠清標兄弟相繼為吏部侍郎清標
歷戶禮兵刑四部尚書大拜清寬清標皆給事中維本
子清遠山東僉事維樞子皆前吏部尚書夢龍曾孫

父子尚書

宛平王公崇簡以太子太保禮部尚書致仕子熙以禮
部侍郎加尚書遷左都御史兵工二部尚書大拜公時

六十餘尚無恙

父子同時顯貴

掖縣張尚書忻以大司寇家居子文安公端拜相年三十六滄州戴尚書明說為戶書子編修王綸以順治乙未及第第二人王縉戊戌進士官御史

父子宰相

高陽李公霸前明文敏公國樞子大名成公克鞏前明文穆公基命子皆父子宰相

父子尚書

靈壽傅大司空維鱗前明太宰永淳子父子皆尚書

戊子北榜三及第

順治戊子順天鄉試第四名張永祺壬辰榜眼及第第五名戴王綸乙未榜眼及第第八名熊伯龍己丑榜眼及第

甲午浙榜三狀元

順治甲午浙江熊鍾陵讀學

伯龍

主試一榜狀元及第者

三人乙未史大成鄞人甲辰嚴我斯歸安人庚戌蔡啓
傳德清人

德清蔡氏二狀元

康熙庚戌狀元蔡啓傳壬戌狀元蔡升元俱德清人升
元即啓傳從姪

戊戌三及第

順治戊戌鼎甲三人常熟孫承恩鹽城孫一致全椒吳
國對皆江南人皆中甲午順天榜

蘇州會元狀元

順治以來蘇州會元六人乙未秦鉞長洲人丁未黃初
緒崇明人癸丑韓葵丙辰彭定求乙丑陸肯堂丁丑汪
士鋹俱長洲人狀元七人戊戌孫承恩常熟人已亥徐
元文崑山人丁未繆彤吳縣人癸丑即葵丙辰即定求
己未歸允肅常熟人乙丑即肯堂兼會狀者三人

崑山徐氏三及第

崑山徐氏兄弟三人長乾學康熙庚戌探花及第刑部

尚書次秉義癸丑探花及第右庶子次元文順治己亥
狀元及第以戶部尚書大拜同胞三及第前明三百年
所未有也惟宋李宗諤子昭邁昭邁子果卿果卿子士
廉三世探花及第

同邑一榜及第

順治己亥狀元徐元文

榜姓陸

探花葉方藹皆崑山人丁

未狀元蔡啓傳榜眼孫在豐皆德清人明崇禎癸未榜
眼宋之繩探花陳名夏皆漂陽人

僚壻狀元

武進楊修撰廷鑑呂閣學宮僚壻也一明崇禎癸未狀

元及第一順治丁亥狀元及第

廷鑑二子大鵬已亥庶吉士按察使大鶴已未

諭德

一邑甲科之盛

本朝一邑科第之盛者無錫壬辰狀元鄒忠倚乙未探

花秦鉞

長洲籍

秦又會元也已亥榜眼華亦祥

榜姓鮑

甲辰

探花周弘

榜姓秦

崑山三徐兄弟及第外又有已亥探花

葉方藹德清庚戌二及第外又有丙辰榜眼胡會恩壬戌狀元蔡升元常熟戊戌狀元孫承恩丙辰探花翁叔元己未狀元歸允肅

全椒吳氏兄弟

全椒吳氏兄弟同胞五人其四皆進士長國鼎前癸未進士官中書舍人三國縉順治己丑進士四國對順治戊戌進士榜眼及第官翰林侍讀五國龍亦前癸未進士官禮科都給事中中國對國龍學生也國龍子歲康熙

丙辰進士曷辛未進士榜眼及第

父子學士

桐城張禮書英兼翰林院學士掌院事子廷瓚同時官翰林侍讀學士又同為日講官

兄弟學士

華亭王左都鴻緒先為內閣學士二兄頊齡九齡皆翰林侍講學士

特恩賜會試

順治乙酉鄉試山東法若真以五經疏聞於朝特

旨授中書舍人仍與會試丙戌遂入翰林其弟若貞同
科進士給事中

長洲彭氏二及第

長洲彭氏定求丙辰狀元寧求壬戌探花同曾祖兄弟

難陰異典

順治中御史張煊以忤漂陽相死

世祖皇帝親政後特以其子諸生基遠為太常少卿累

陞兵部侍郎外遷蘇松兵備副使康熙中直督尚書朱
昌祚直撫尚書王登聯中法死

上親政後其子頌寬以朱之子紱為兵部督捕理事官
王之子盛唐為大理寺少卿

兩五經入翰林

康熙丁卯順天鄉試海寧查嗣韓侯官林文英皆以五
經疏聞特

賜舉人明年戊辰俱中式嗣韓榜眼及第文英庶吉士

土魯番表文

土魯番自順治十三年入貢至康熙十二年國王瑪墨忒塞伊忒韓復遣其臣兀魯和陞等獻馬其表略云土魯番國王某上言於乃聖乃仁天下治平

皇帝陛下恭惟

皇上一統攸同何異於古之占什特惠澤羣生相同乎昔之達刺汗法紀軍威比隆於楷墨塞勞聰明格物媲美乎伊思謙達爾

皇上睿知天錫如日升之無不照

皇上撥亂為治如月恒之無不臨旌旂閃爍超越乎墨
烏咸爾皇恩浩蕩實出於度量寬仁國祚無疆而萬國
咸寧洪福靡際而皇圖應運後稱一千八十三年二月
二十八日子昔在禮部見荷蘭暹羅琉球諸國表文用
金花箋文義皆如中國或謂是閩粵人代作也

北岳祀典

五岳皆祭於山獨恒岳祭上曲陽自漢宣帝神爵元年

始而恒山實在渾源州相傳舜望於山川北至大茂山大雪不能前有石飛墜遂祀焉即今曲陽廟廟石長不滿丈闊僅四尺餘濮陽蘇穀原祐侍郎疑石晉後燕雲

陷遼宋遂遣祀於此然史漢唐書之文明甚不始宋也

沈存中筆談云北岳謂之大茂山半屬契丹以大茂脊

為界岳祠舊在山下石晉之後稍遷近內今祠乃在曲

陽

云蘇說本此也明弘治中馬端肅公曾請改祠於山

事下禮部竟格於倪文毅公按南園漫錄云倪公父謙

常奉命祀曲陽禱於神神指旁侍一人與之遂生公因名岳以是固執不肯改祀云順治十七年

上允刑科給事中粘本盛之請罷曲陽廟祀祀渾源千
年因循之訛至是始釐正焉

祭酒題名

國初設祭酒滿洲一員蒙古一員漢人一員順治十七
年裁去蒙古祭酒其滿洲祭酒題名姑兒馬呬起順治元年迄

康熙四年七月起四年迄七年阿都里起四年迄七年賈祿起七年迄
凡二十二年起六年卒於位十二月四

月左遷吏部員外郎**宜昌阿**起十二年迄十七年**阿禮瑚**起十七

十二年陞盛京刑部侍郎**漢祭酒題名李若琳**天啓壬戌進士**薛所**

蘊崇禎戊辰進士**胡統虞**崇禎癸未進士**高珩**癸未進士

淄川**李呈祥**癸未進士**王崇簡**癸未進士**李爽**

崇順治丙戌會元及**單若魯**丙戌進士**沙澄**丙戌進士

蓬萊**馮溥**丁亥進士**吳偉業**崇禎辛未進士**章雲鷺**丁亥

人**張士甄**己丑進士**金鎰**壬辰進士**章雲鷺**丁亥

順天宛平人**熊伯龍**己丑進士及第**李中白**丁亥進士**李**

儀古

己丑進士直隸任丘人

綦汝楫

乙未進士山東高密人

陳欽永

乙未進士浙江

海寧人諡文安

單若魯

補任

熊伯龍

補任

王守才

旗人時更易官制漢軍漢人通用後

停宋德宜

乙未進士江南長洲人拜相諡文恪

李仙根

辛丑進士及第四川遂寧人

楊

正中

戊戌進士順天通州人

徐元文

己亥狀元及第江南崑山人拜相

沈荃

壬辰進士

及第華亭人

馮源濟

乙未進士順天涿州人

王士禎

乙未戊戌進士山東新城人

李元振

辛丑甲辰進士及第河南柘城人

翁叔元

丙辰進士及第江南常熟人

曹禾

甲辰進士江南陰人

汪霽

丙辰進士浙江錢塘人

吳苑

壬戌進士江南歙縣人

張榕

端

丙辰進士河南磁州人

孫岳頌

壬戌進士江南吳縣人

司業題名

國初設司業滿洲二員蒙古一員漢人一員順治十七

年裁去蒙古司業其滿洲司業題名東四旗司業李虎

沙傳達禮白清額

後任陝西巡撫副都御史

尹布葛思泰

後累陞總督川陝兵

部侍郎

拜山西四旗司業蟒吉兔駝代曹爾和花善滿都

虎達鼐漢人司業題名薛所蘊羅憲汶

崇禎癸未進士江西南昌人

劉肇國

癸未進士湖廣潛江人

呂纘祖

順治丙戌進士及第直隸滄州人

李奭崇

單若魯王熙

順治丁亥進士順天宛平人文貞公子拜相

曹本榮

己丑進士湖廣黃岡

人姜元衡已丑進士山東即墨人張永祺壬辰進士順天大興人第楊永寧

壬辰進士山陳欽永田種玉乙未進士順天宛平人馬晉允戊戌進士

浙江餘張貞生戊戌會元江西南廬陵人熊賜履戊戌進士湖廣孝感人拜相熊

賜輿戊戌進士湖廣孝感人宋德宜李仙根胡簡敬乙未進士江南米陽人江

田麟壬辰戊戌進士遼東自在人楊正中吳國對戊戌進士江南全椒人第杜

臻戊戌進士浙江秀水人吳本植戊戌進士直隸安平人陳廷敬戊戌進士山西澤州

人王颺昌戊戌進士山東高密人譚篆戊戌進士湖廣景陵人李天馥戊戌進士

江南合肥人拜相吳本植補任王封滌戊戌進士湖廣黃岡人蘇宣化已亥進士

順天大興人

周之麟

己亥進士
浙江蕭山人

葉方謁

己亥進士
及第
江西南崑山人
諡文敏

蔣弘道

己亥進士
順天大興人

朱之佐

己亥進士
順天大興人

張玉書

辛丑進士

江南丹徒人
王維珍

庚戌進士
旗人

田喜霽

辛丑進士
山西馬邑人

劉芳喆

辛丑進士
順天宛平人

彭孫適

己亥進士
浙江海鹽人

徐倬

癸丑進士
浙江德清人

彭

定求

丙辰狀元
及第
江南長洲人

董閻

癸丑進士
江南吳江人

徐倬

補任
秦宗游

己未進士
浙江山陰人

吳涵

壬戌進士
及第
浙江石門人

彭會淇

丙辰進士
江南溧陽人

張豫章

戊辰進士
及第
江南華亭人

按國初官制祭酒陞內院學士後品級考既定遂陞讀

講學士多或一年少或數月即遷去至康熙十二年重
定品級考改讀講學士為五品祭酒仍舊四品與讀講
學士較俸陞遷故崑山徐公任祭酒者餘三年陞內閣
學士兼禮部侍郎以去華亭沈公繼之時復設詹事府
遂陞少詹事兼侍講學士康熙初詹事府兩坊衙門既
裁史官必歷司業然後得陞侍讀時侍講亦裁去故編修檢討
無不為司業者率不數月即遷去康熙十四年復設坊
局於是修撰編檢多陞中贊而司業與之較俸陞讀講

諭洗亦非三年餘不得遷矣祭酒司業自國初未有題
名予任祭酒與宛平劉公議補其闕因誌梗槩云

補鄉試

自庚申已後諸僭逆以次削平各省次第補行鄉試故
福建有庚申科主考戶部郎中劉元勳大理寺評事白
夢鼎廣西貴州皆壬戌科廣西主考翰林院編修喬萊
刑部員外郎楊佐國貴州主考翰林院編修沈旭初戶
部主事陸鍾呂雲南四川皆癸亥科雲南主考翰林院

編修米漢雲戶部主事高瑄四川主考翰林院編修方象瑛吏部文選員外郎王材任

坐次

詹事府少詹事舊與掌詹同三品在京得乘四人肩輿後重定品級考改為四品在朝班列左右通政大理少卿下至大朝則三宮詹與大學士內閣掌院學士都御史列坐殿上兩坊掌坊庶子侍讀侍講諭德洗馬諸官皆五品翰林而坐太常太僕少卿順天府丞鴻臚正卿

四品之上是又不論品級崇卑也壬戌癸亥間崔夏章
蔣林蔣裕菴引道為少詹皆四人肩輿則以講官加正詹故
耳

祭酒四品與讀講學士較俸陞遷朝班則坐諸學士下
兩坊庶子上康熙二十一年正月

賜宴乾清宮座次在東面西與朝班同二十年七月

賜宴瀛臺在南面北則序坐於太常卿僉都御史下太

僕卿光祿卿上

翰林結銜

今翰林官結銜獨列散官於本官之下如詹事祭酒等官則散官在上與部院諸司無異按周宗伯識小編云唐翰林學士皆以他官兼故學士結銜在本官下五代後唐置端明殿學士以趙鳳馮道為之後鳳遷禮部侍郎因求宰相任園升學士於本官之上蓋示貴重耳宋因之惟宰相則否

本朝翰林列散官於本官之下與諸司異亦祖此意若

宮坊以上兼翰林官者皆列兼官於本官之下散官亦列於上不復與翰林同矣翰林故事相沿多不知所出惟此考據為詳又按五代會要云初置端明殿學士名目如三館之例職在官下及趙鳳轉侍郎令人諷任圜移職在官上至今為例

中堂

明洪武十五年設內閣大學士上命皆於翰林院上任十八年又命殿閣大學士左右春坊大學士俱為翰林

院官故院中設閣老公座於上而掌院學士反居其旁
諸學士稱閣老曰中堂以此按湘山野錄錢希白見王
冀公欽若戲曰中堂遂有如此宰相乎又聞見錄富鄭
公與康節食筍公曰未如中堂骨董之美云元王惲秋
澗有中堂事記記元初中書省事皆前此矣

起居注

明初甲辰年設起居注秩正四品以宋濂魏觀為之吳
元年改正五品後革十四年復設改正七品以單仲立

為之久之復革萬厯初張位始請復設江陵相定議以
修撰編檢史官充日講者日輪一員記注起居兼錄聖
諭詔冊等今日之制即本江陵遺意也蓋明初起居注
別為專官而萬厯後乃歸之史官爾然今制自掌院掌
詹以下皆得充起居注官不專史官此其異也按唐六
典起居郎二人從六品上掌錄天子之動作法度以修
記事之史屬門下省起居舍人二人亦從六品上掌錄
天子之制誥德音以修紀言之史屬中書省此即古左

右史之分職至明而合為一官今仍之耳

郊勞

安親王平湖南康親王平閩粵章泰貝子平滇黔凱歸上皆郊勞於蘆溝橋西二十里諸王都統滿漢大學士尚書侍郎阿思哈尼哈番以上大臣皆從既至詰朝皇帝對天行三跪九叩頭禮諸王大臣及出征王將軍等隨行禮畢上御黃幄諸王大臣侍班鴻臚寺引出征王將軍等朝見行三跪九叩頭禮禮畢賜茶回宮

禁師生

唐人五代最重座主門生之禮明代尤甚萬厯中門戶既成一為師生終身以之惟嘉靖八年張璁霍韜為主考戒諸生不得修弟子禮

本朝沿明之舊順治十五年戊戌科給事中胡悉寧建言鄉會試不分經房不稱師生至康熙十八年己未科始復分房舊例而師生之禁仍舊

初選方面

順治己丑會試後以兩廣初定需人遂用新進士候銓者二甲授參議三甲授知府進士釋褐即為四品監司郡守蓋初例也然止此一科為然

賜生員金

康熙二十二年春二月

駕幸五臺駐蹕完縣召父老慰問賜金有蔡丹桂者自陳縣學生員家貧無以為養

上命講飛龍在天利見大人及德輶如毛毛猶有倫句

稱

旨賜白金五兩金盤蘋婆果六枚仍諭曰爾當努力讀書開卷有益也事載西巡日錄

賜

御筆講義

初

上以御筆頒賜內閣翰林起居注諸臣即部院大僚皆不得與惟刑書蔚州魏公

象

一拜賜耳康熙二十一年

廣西巡撫郝浴疏請頒賜

御筆清慎勤三大字部議俞其請遂遣官編

賜各直省督撫云壬戌翰林檢討汪楫中書舍人林麟
煬冊封琉球癸亥翰林編修孫卓禮部郎中周燦冊立
安南亦以為請皆獲頒賜琉球得守禮之邦安南得忠
孝守邦各四大字其講筵四書書經講義成例頒賜在
京三品大臣國子祭酒四品亦得拜賜在外則三品督
撫及在籍三品大臣亦與焉二十四年頒賜易經講義

士禎以少詹亦得拜賜

汪今官福建布政使林今官貴州提學道僉事皆予門人

巡方

世祖皇帝時時用部主事及中書舍人行人評事博士等官假監察御史銜巡按各直省差竣都察院殿最之最者得內陞京堂五品餘則仍回居本職不真授御史也後仍歸御史而巡方亦停不遺康熙六七年間復用各部郎中以監察御史銜巡視鹽課未幾復舊

太僕寺舊有丞後裁去增設滿洲員外郎八人翰林院
本無主事起居注館既設增記注滿洲主事四人中書
舍人六人

大中

明太祖初定天下建國號意在大中既而祈天乃得大
明故當時錢文有大中通寶

閱江樓

友人已白紫映金菱人寄詩云周長之垂頁監曰易

花空滿閱江樓佳句也按洪武初欲於獅子山

即盧頂龍山

作閱江樓先令儒臣作記故潛溪諸公集皆有此文樓實不果作

發陵

康熙二十二年陝西平涼府盜發韓康王定王二冢法司按律擬罪

上以發掘前代帝王陵墓特令加等因

行

明廢陵等語

聖諭云凡云廢者必如高煦等有罪廢為庶人然後可
彼生為藩王誰廢之耶

上之仁明如此

督撫內陞

康熙中總督內陞者秦督莫洛刑部尚書漕督帥顏保
工部尚書浙督李之芳兵部尚書川陝總督哈占兵部

尚書所司恩介三萬一

侍郎巡撫內陞者廣東巡撫馮甦安徽巡撫薛桂斗山東巡撫張鵬貴州巡撫田雯俱刑部侍郎甘肅巡撫巴錫工部侍郎伊圖戶部倉場侍郎江蘇巡撫余國柱左都御史貴州巡撫楊雍建兵部侍郎山東巡撫徐旭齡工部侍郎江蘇巡撫趙士麟兵部督捕侍郎

會元解元入翰林

世祖極重科名自丙戌迄己亥會試第一皆入翰林惟丁亥李人龍不與後以閣薦為中書舍人壬辰程可則

以磨勘被黜乙未邑同年伊翕菴闕舉進士引見南海子

上顧學士曰此人山東解元也遂改庶吉士後授御史官至都御史巡撫雲南自辛丑至庚戌例又一變康熙癸丑

上以會元韓莢為狀元榜中解元皆改庶常丙辰亦以會元彭定求為狀元乙丑以會元陸肯堂為狀元凡一榜解元亦然遂為定例人遭逢固有幸不幸也按夢梁

錄宋時中省魁者殿試有陞甲恩例前十名亦如之

京堂

京堂本以待吏部科道官內陞者無徑授之例康熙中
張靖逆侯勇子雲翼馬文毅公雄鎮子世濟陳海巡啓
泰子汝器皆授大四品廣西平樂進士袁景星陳忠愍
公福弟壽皆授小四品趙都督應奎子衍祥許都督占
魁子登隆皆授五品

伯高

檀弓伯高死於衛赴於孔子孔子曰

云

吾哭諸賜氏遂

命子貢為之主曰為爾哭也來者拜之知伯高而來者

勿拜也金陵白評事仲調

勞

為湯陰王東臯

伯

吏部門

生康熙丁巳吏部卒於家計聞京師仲調為位而哭又

於蕭寺中受弔凡弔者拜之如子弟執父兄之喪蓋古

禮云

外國封使

國朝聲教之遠梯航至者數十國而受封遣使者惟安

南琉球二國安南又凡三遣始則康熙三年諭祭黎維
禔奉使者侍讀學士程芳朝繼則康熙五年冊封黎維
禧奉使者編修吳光也六年八月維禧逐都統使莫元
清奪其諒山高平地元清奔皈朝兩廣守臣以聞七年
遣使宣諭則侍讀李仙根職方主事楊兆傑為正副使
琉球封王順治中遣給事中張學禮行人王垓為正副
使居閩數年罷歸康熙初復遣時張已改御史王已遷
戶部郎中矣康熙十二年暹羅請封

上以海道寫遠令以

敕印付其使臣帶往於事理甚便而亦不失柔遠之體
按嘉靖二十年降安南國為安南都統使司仍以莫登
庸為都統使國初定粵莫敬耀來歸未受爵卒授其子
元清都統使黎維禔亦來歸未受封卒子維禧立康熙
五年冊封維禧安南國王康熙二十一年琉球安南復
入貢遣編修孫卓儀制司郎中周燦往安南檢討汪楫
中書舍人林麟煊往琉球二十三年暹羅復入貢云

試錄齒錄

科場試錄齒錄其來已久東觀奏記載鄭顥知舉宣宗
索科名記顥屬祠部員外郎趙璘採訪諸家科目記撰
成十三卷始武德元年至大中十年敕付翰林自今放
榜後並寫及第姓名及所試詩賦題目進入內仍仰所
司逐年編次明三百年鄉會試并沿其制康熙初停止
至庚戌會試乃復舊例鄉會試錄仍進呈乙卯鄉試以
兵餉不足再停止尋又復

布政陞尚書

李文達公天順日錄載天順二年以山東布政使陸瑜為刑部尚書四年以朝覲官布政使蕭晷為禮部尚書又欲以布政使賈銓為戶部尚書不果明盛時中外用人如此天啓時以布政使張五典為兵部尚書則以其子御史銓死節蓋異數也本朝順治中布政使往往入為侍郎康熙初定品級考布政使內陞止於太常光祿卿而不及太僕何也

闕諡

予鄉啓禎名臣闕諡者如鍾司空龍淵

正羽

畢司徒白陽

白曹司空見素

珙

先太師大司馬霽宇公

象乾

其尤著者

曹通議葆素

珍

司空之兄也躬行實踐號為醇儒品不

在龍淵先生之下然名位稍卑例不得諡竊謂朝廷易

名重典亦顧其人何如耳今例尚書以上乃得諡國史

三品以上乃得立傳其以名位湮沒者多矣近王給諫

北山

曰高

疏請死節諸臣不必拘定品級皆當予諡以鼓

忠義之氣其論最正格於部議不行

歐陽從祀

今言嘉靖中議祀典進后蒼文中子胡瑗歐陽修四人
從祀歐陽以濮議故故孚敬特進之也予謂歐陽公人
品學術亦自不愧然以世廟君臣之私進之則謬矣公
之生也以此負謗其歿也以此從祀所謂求全之毀不
虞之譽者也

世祖御書

西山新法海寺前對裂帛湖

世祖皇帝翠華駐此瞻眺湖光因賜今名殿有巨碑刻
敬佛二字筆勢飛動

世祖御書也

文武互用

本朝用人器使有不拘文武資格者以武臣改文職如
順治中總兵官李國英改四川巡撫後為總督川陝兵
部尚書總兵官胡章改山東右布政使遊擊王肇春黃

金史卷一百一十五
卷一
明改知府以文臣改武職如莊浪道參議朱衣客改隨
征四川總兵官吏部侍郎陳一炳戶部倉場侍郎周卜
世前總督浙閩兵部侍郎劉兆麒俱改都督同知僉事
等銜充山西山東直隸等處援勦提督總兵官

學士贈尚書

本朝大臣身後例有恩卹或予諡而贈官者絕少康熙
十八年十一月翰林學士喇沙里卒以侍
講筵久特贈禮部尚書諡文敏蓋異數云

池北偶談卷一